

Conferenza de la Mendranzes

Programazion televisiva e intervenc per l'informazion l'é i argomenc de maor peis

Mendranzes - Dò se aer binà l'ultima outa de setember te Fascia vegn endò chiamà ite la Conferenza de la Mendranzes per na sentèda de particolèra emportanza, en mèrtesc al prum de dezember te l'Istitut Cultural Cimbri de Luserna. Vegnarà rejonà de digitèl terester, de la convenzion co la Rai per la difuzion tel Trentin di programes "Sender Bozen" e del canal dedicà a TML, Tele Mendranzes Linguistiches. Amò

apede vegnarà metù sun desch l program di intervenc per l'informazion tel lengaz de mendranza e la spartijon del fondo provinzièl de la mendranzes. L passaje al digitèl à permetù de aer a la leta più canai televisives e dachelanvia l'é de besegn de studièr fora delvers e adum la programazion per l nef canal TML, n canal con de gran potenzialitèdes per fèr cognoscer delaite e foravia la mendranzes del Trentin.